



LE GOUVERNEMENT
DU GRAND-DUCHÉ DE LUXEMBOURG
Ministère de la Justice

Luxembourg, le 19 février 2019
Réf. N° QP -07/19

Monsieur le Ministre
aux Relations avec le Parlement
p.a. Service Central de Législation
L-2450 Luxembourg

Objet : Question parlementaire n°259 du 24 janvier 2019 de l'honorable député Sven
Clement

Monsieur le Ministre,

J'ai l'honneur de vous faire tenir en annexe ma réponse à la question parlementaire sous
rubrique.

Veillez agréer, Monsieur le Ministre, l'expression de ma considération distinguée.

Le Vice-Premier Ministre,
Ministre de la Justice

Félix BRAZ

**Réponse de Monsieur Félix Braz, Ministre de la Justice, à la question parlementaire n°259
du 24 janvier 2019 de l'honorable député Sven Clement**

Am Virfeld vun der Reform vum Scheedungsgesetz ass d'Iddi vun enger Tabell ähnlech wéi déi däitsch „Düsseldorfer Tabelle“ diskutéiert ginn. Dëse Modell gouf schlussendlech awer net zeréckbehale, well e relativ onflexibel ass. D'Léisung, déi zeréckbehale ginn ass erlaabt et dogéint, d'Alimenter an all Fall präzis ob déi individuell Situatioun vun der Famill ofzestëmmen.

Laut dem neien Artikel 372-2 vum Code civil muss sech am Fall vun enger Scheedung oder Trennung all Elterendeel un den Ënnerhaltskäschten vu sengem Kand bedeelegen, an dat proportional zu senger Ressourcen an de Ressourcen vun deem aneren Elterendeel, wéi och zu de Besoine vum Kand (« *Chacun des parents contribue à l'entretien et à l'éducation des enfants à proportion de ses ressources, et elles de l'autre parent, ainsi que des besoins de l'enfant (...)* »)

Et ass also net eleng de Salaire vun den Elteren, deen ausschlaggebend ass, mee och d'konkret Besoine vum Kand. Dës Besoine kënnen vun Kand zu Kand ënnerschiddlech sinn an och am Laf vun der Zäit änneren.

Den Artikel 372-2 erlaabt de Riichter, eng gerecht Léisung ze fannen, a léisst hinnen gläichzäiteg déi néideg Flexibilitéit, fir de Spezifizitéite vun all Fall kënnen Rechnung ze droen.

Et ass dofir net virgesinn eng Tabell nom Modell vun der „Düsseldorfer Tabelle“ oder aner Outilen eraus ze ginn. Déi aktuell Regelung erlaabt dem Riichter, an all Fall ob déi konkret Situatioun vun der Famill Rücksicht ze huelen.